



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 172. Utriusque Pontificis Oratores auditi.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

contentio orta est, Basileensium Oratori-^{Sæcul. XV.}
 bus nullo pacto cedere volentibus, & A C. 1441.
 Principibus vicissim comitia sua se alio
 transluros asserentibus, nisi eorum vo-
 luntati acquiescerent. Tandem Magistra-
 tus etiam, Civesque Moguntini Basileen-
 sibus significari jusserunt, si pertinaciter
 Principibus morem gerere detrectarent,
 se fidem publicam eis concessam revoca-
 turos, dato octo dierum adhuc spatio, in-
 tra quod ab urbe discederent. His au-
 ditis Basileensium Delegati, ne causam
 suam sine ulla defensione dimitterent,
 acquiescere compulsi sunt, cum & Prin-
 cipes a sententia sua discedere renuerent,
 & Magistratus ad implendam eorum vo-
 luntatem urgerent.

§. CLXXII.

Utriusque Pontificis Legati admissi.

Igitur Cardinalis Arelatensis die vigesi-^{Acta Patricii}
 ma quarta Martii absque Cruce, & di-^{p. 1591. &}
 gnitatis suæ insigniis comitia adiit, nullo ^{seq.}
 comitatu honoratus; legationis quippe
 socios, suosque famulos omnes domi re-
 linquebat. Dicebat multa ipsemet pri-
 mum, post vero plura socius ejus Tho-
 mas de Corcellis, qui supremam effere-
 bat Conciliorum potestatem, & rectum
 esse ajebat Basileensium in Eugenium ju-
 dicio, nec non legitimam æque

Sæcul. XV.
A. C. 1441.

ac necessariam subrogationem Felicis. Po-
stridie vero auditi sunt Legati Eugeni-
nimirum Joannes de Caravajalo, & Ni-
colaus de Cusa. Horum primus Euge-
nii Papæ, a quo missus fuerat, auctorita-
tem vindicatum ibat, suumque sermonem
auspicabatur illis S. Pauli Apostoli verbis
ad Galatas capite quarto versu trigeli-
mo: *Ejice ancillam, & Filium ejus; non e-
nim haeres erit filius ancillæ cum Filio li-
beræ.* Plura alia prorsus insignia adver-
sus summi Pontificis hostes protulit. Hu-
jus orationem excepit Nicolaus de Cu-
sa, qui non minori solidissimarum ra-
tionum pondere adversariorum dicta con-
futavit, omnia, quæ Basileenses præ-
calumniabantur, evidentibus argumentis
satis superque confutans, atque Cara-
vajali verba solide confirmans. *Testaba-
tur quoque, Amadæum Sabaudum Pon-
tificiam dignitatem, quam plures jam
annos sub ovina pelle aucupatus fuerat,
tandem a suis Electoribus auro coemisse,
ac Venetis duodecim millia equitum
promisisse, si dimisso Eugenio sibi adhæ-
rerent.* Subjunxit Depositionem Euge-
nii ab Episcopis duntaxat numero septem
attemptatam esse; cum tamen ex Canonum
præscripto simplicis etiam Episcopi exau-
ctoratio a paucioribus, quam duodecim
rite fieri haud posset. Addunt Patricii
acta, Eugeni Legatos non sine ingenti
Princi-

Principum applausu ac jubilo auditos, ^{Secul. XV.}
 eoquod optime Basileensium objecta re- ^{A. C. 1441.}
 primere viderentur.

Attamen Joannes de Segovia, cum
 ad ea, quæ Eugenii Pontificis Legati pro-
 tulissent, a nemine quicquam responderi
 ægerrime ferret, ipse depositis dignitatis
 Cardinalitiæ insignibus quædam subjun-
 gere aggrediebatur; ac primo quidem
 Basileensium meritis prolixo sermone ja-
 ctitatis, allegabat rationes, quibus per-
 motus purpuram haud induisset, dein suo-
 rum adversariorum momenta diluere
 conabatur, ac duodecim omnino argu-
 menta proponebat, quibus confirmare ni-
 tebatur, Conciliis generalibus supremam
 competere potestatem, eisque summos
 etiam Pontifices obedientiam debere;
 Synodum Basileensem esse legitimam,
 quæ ab Eugenio neutiquam dissolvi po-
 tuisset, hunc vero Pontificem rite exau-
 toratum, eidemque Felicem esse suffe-
 ctum, atque ideo huic soli tanquam ve-
 ro summo Pontifici parendum. Tandem
 pluribus veritates a Basileensibus appro-
 batas defendere aggrediebatur, inde
 concludens, Eugenium merito ut hæreti-
 cum fuisse declaratum.